

Broj: 01-14-4-721-8/15

Sarajevo, 13.07.2015. godine

Na osnovu člana 25., 70. stav 1. i 71. Zakona o javnim nabavkama Bosne i Hercegovine («Službeni glasnik BiH», broj 39/14), a po provedenom otvorenom postupku javne nabavke - Nabavka i montaža opreme za praćenje kvaliteta zraka-, na preporuku Komisije za javne nabavke, direktor Federalnog hidrometeorološkog zavoda donosi

ODLUKU
o izboru najpovoljnijeg ponuđača
u Otvorenom postupku javne nabavke -Nabavka i montaža opreme za praćenje
kvaliteta zraka, broj: 01-14-4-721-3/15 od 03.06.2015. godine

I.

Najpovoljniji ponuđač u postupku nabavke roba po Otvorenom postupku -Nabavka i montaža opreme za praćenje kvaliteta zraka, broj:01-14-4-721-3/15 od 03.06.2015. godine, Obavještenje o nabavci broj: 615-1-1-35-3-7/15, objavljeno na Portalu javnih nabavki, dana 03.06.2015. godine, i u „Službenom glasniku BiH“, broj: 45/15 od 08.06.2015. godine je:

„Theiss“ d.o.o. Sarajevo.

II.

Ova Odluka objavit će se na web stranici www.fhmzbih.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

III.

Sa ponuđačem „Theiss“ d.o.o. Sarajevo zaključit će se ugovor o nabavci i montaži opreme za praćenje kvaliteta zraka, iz tačke I. ove odluke.

IV.

Zadužuje se Sektor opštih poslova, da najkasnije u roku od 7 (sedam) dana od dana donošenja ove Odluke istu dostavi svim ponuđačima koji su blagovremeno dostavili ponude i time ih obavijesti o rezultatima postupka navedenim u Odluci, u skladu sa članom 71. Zakona o javnim nabavkama.

V.

Ova Odluka stupa na snagu danom donošenja.

Obrazloženje

U Otvorenom postupku javne nabavke broj: 01-14-4-721-3/15 od 03.06.2015. godine, pokrenutom Odlukom o pokretanju postupka broj: 01-14-4-721/15 od 01.06.2015. godine - Nabavka i montaža opreme za praćenje kvaliteta zraka-, uz Obavještenje objavljeno na Portalu javnih nabavki dana 03.06.2015. godine, broj: 615-1-1-35-3-7/15, i u "Službenom glasniku BiH", broj: 45/15 od 08.06.2015. godine, ponude su blagovremeno dostavili ponuđači:

- | | |
|------------------------------|--------------------------------|
| 1. THEISS d.o.o Sarajevo | 87.037,76 KM bez PDV-a |
| 2. DVOKUT PRO d.o.o Sarajevo | 84.701,00 KM bez PDV-a |
| | uz ponuđeni popust 5.000,00 KM |

Komisija za javne nabavke, imenovana rješenjem direktora Zavoda broj: 01-14-4-721-1/15 od 01.06.2015. godine, izvršila je otvaranje, te pregled i ocjenu pristiglih ponuda i utvrdila:

Uvidom u ponudu ponuđača Dvokut pro d.o.o. Sarajevo:

- da je ponuđač dostavio Autorizaciju proizvođača Horiba GmbH, izdata 15.04.2014. godine, Tulln – koja nije u skladu sa uslovom za kvalifikaciju iz tačke 13. Tenderske dokumentacije, a isti se dokazuje dostavljanjem Autorizacija - važećih dokumenata izdatih od strane proizvođača robe-opreme predmetne nabavke kojom ponuđač dokazuje da ima podršku tih proizvođača za distribuciju i montažu robe – opreme za praćenje kvaliteta zraka iz predmeta nabavke, sa periodom važenja ne kraćim od perioda važenja ponude, prevedeni na jedan od službenih jezika u BiH, potpisani i pečatom ovjereni od strane ovlaštenog sudskog tumača u originalu ili ovjerenoj fotokopiji ne starijim od 3 (tri) mjeseca od dana dostavljanja ponude.

Komisija je ocijenila opravdanim zatražiti pojašnjenje od izdavaoca Autorizacije – proizvođača Horiba GmbH, broj: 06-33-4-858/15 od 02.07.2015. godine, a u skladu sa zahtjevom iz tačke 13. Tenderske dokumentacije, te je istim konstatovano da originalna Autorizacija koju je u prilogu pisma od 06.07.2015. godine dostavio proizvođač Horiba GmbH sadržajno ne odgovara originalnoj Autorizaciji koju je dostavio ponuđač, a koja čini sastavni dio ponude, odnosno u originalnoj Autorizaciji koju je u pojašnjenju dostavio proizvođač Horiba GmbH utvrđen je period važenja od jedne godine, dok original, uz prevod istog od strane stalnog sudskog tumača, koji je dostavio ponuđač Dvokut pro d.o.o. Sarajevo ne sadrži dio kojim je utvrđen period važenja, a u tački 32. stav 1. Tenderske dokumentacije navodi se da će ugovorni organ odbaciti ponudu ako ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova postavljenih u TD.

Shodno navedenom, a u skladu sa članom 68. Zakona o javnim nabavkama BiH, Komisija je ponudu ponuđača Dvokut pro d.o.o. Sarajevo ocijenila **neprihvatljivom**.

Uvidom u ponudu ponuđača Theiss d.o.o. Sarajevo:

- da je ponuđač u ponudi radio ispravke, i to u Aneksu 2. Obrazac za ponudu –robe na stranici ponude 3/83 Izjava ponuđača u tački 2., zatim ispravka u Aneksu 3. Obrazac za cijenu ponude – robe u tabeli C) u koloni Ukupna cijena sa popustom bez PDV-a, ispravka u tabeli D) u tački 1., te da je iste uradio na način da su vidljive, potvrđene potpisom ponuđača i datumom izvršene ispravke u skladu sa zakonom i podzakonskim aktima.

Daljim pregledom i provjerom Komisija je utvrdila da ponuda ponuđača Theiss d.o.o Sarajevo u potpunosti ispunjava sve postavljene zahtjeve iz tenderske dokumentacije, **te je ocijenjena kao prihvatljiva**.

Ukupna ocjena ponuda – izbor najpovoljnijeg ponuđača prema zahtjevima i postupku ocjenjivanja datih u tenderskoj dokumentaciji:

Naziv ponuđača	Iznos ponude (bez PDV-a)	Osvojena pozicija
„Theiss“ d.o.o. Sarajevo	87.037,76 KM	1

U skladu sa naprijed navedenim, Komisija za javne nabavke je, na osnovu ukupne ocjene ponude po kriteriju najniža cijena tehnički zadovoljavajuće ponude, predložila izbor ponuđača „Theiss“ d.o.o. Sarajevo, za najpovoljnijeg ponuđača sa ponudom u iznosu od 87.037,76 KM bez PDV-a.

Direktor Federalnog hidrometeorološkog zavoda prihvatio je prijedlog Komisije, te je u skladu sa članom 70. stav 1. Zakona o javnim nabavkama BiH odlučio kao u dispozitivu odluke.

Pouka o pravnom lijeku: Protiv ove Odluke može se podnijeti žalba ugovornom organu u roku od 10 (deset) dana od dana prijema iste, u pisanoj formi, u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Dostaviti:

- Ponuđaču
- IT Centru
- Sektoru opštih poslova
- a/a



DIREKTOR

Almir Bijedić
Almir Bijedić